


7  
6

YONKON COLLEGE LIBRARY  
FROM THE  
YONKON COLLEGE LIBRARY  
ACQUISITION  
AUG 30 1924

TC42<sup>R</sup>930 1.769

2



三才藻異

古董屠粹忠芝巖著



海陽趙景行驂期校

形勝而人名者

醉僊巖

鞏昌有醉僊像在崖

中山酒香提壺鳥集滿腹流霞一枕絕壁

流霞酒名

臥佛巖

彭水懸石生窠中有一橫石看日宛然如佛曲肱臥也

彼混沌中孰得其竅此四大空孰臻其妙

高士巖

寧遠昔獵人見羣豕入巖不見因得樂器一部獻之

鶴去鼓沉龍飛鐘渡吾意西藏必多亥誤

玉女洞

盤屋洞有甘泉蘇軾過汲破竹作券使僧往來傳之曰調水符

盈盈玉女矯矯人龍相交形外只在个中

西子湖

杭城西宋君臣競遊此論者以為尤物破國比西子云

此尤物也吳其為沼顧盼鏡中千年不老

竹公溪

嘉定一女浣水聞竹中有啼聲取視則孩也及長為夜郎王封竹溪

龍孫不絕浣女不滅稚子分符山靈擁節

野人塢

鳳翔秦穆公失馬食之者三百人吏欲罪公曰食馬肉不飲酒傷人皆賜酒

食馬不甘敢希賜酒慰野人懷誅圉人醜

愚公谷

臨淄齊桓獵至問老何為愚谷曰臣畜生犢買駒人謂牛不能生馬奪去故名

混沌不鑿駒犢焉知守公之拙山靈可移

鵝公潭

洋縣洞旁石鵝一隻臘節以蒲藻布鵝上寒魚皆依之

烏鬼扼吭白鷺停蓑木雞神足石鵝智多

鷓鴣名烏鬼

雞翁山

南鄭石岸臨江突起如雞冠狀唐溫造禱晴於此

養此龜年因高鳳憤何意龍鐘亦占鳩策

長者崖

林縣過釣臺百餘步峭壁間有石紋如子婦拜長者

把釣在前稱觥在後問誰付卿佳兒佳婦

女兒浦

臨化有女兒廟禱雨輒應因大孤山在側俗訛為姑因名

封姨可令謝僊可呼顧我復我大姑小姑

滕王閣

南昌

臨江閣疾風舟帝子與童子三秋而千秋

醉翁亭

滁州歐陽修建

獨醒獨清一花一爵醉非醍醐亭亦糟粕

包老湖

秦州水清他水不能雜挈壺氏常取供漏

鐵面瞻烏冰心映鷓笑比河清千年如覲

希夷硤

太華山即希夷尸解處舊有垂鎖可攀登見骨盛石函色紅香後趾竊去鎖斷

五龍蟄留一驢笑墮白骨難全碧雲空鎖

五老峰

廬山頂

一老一峰五老五指雲霞衣冠天地生死

五丁峽

寧羗州即秦惠王詭言石牛糞金誘蜀所開山也名金牛峽

鬼謀劈石蜜口鑠金糞牛滅蜀指鹿亡秦

江郎山 江山石三片乃江姓兄弟三人登頂所化巖有虛窻可廬頂池產碧蓮金鯽  
磊○磊○山○中○怡○怡○雲○表○堪○歎○田○荆○鞠○為○茂○草○

壺公巖 南豐懸壺先生所居

何○市○可○懸○何○居○可○守○日○聽○提○壺○先○生○烏○有○

丫頭巖 弋陽大石如人首而岐

雨○添○沐○雪○撲○顛○如○想○荆○為○聘○盍○教○虎○作○媒○  
義興有虎媒

姑射山 平陽城西有姑射蓮花二洞即莊生所謂有神人居者

芙○蓉○露○浥○菡○萼○風○開○蝶○魂○飛○去○鶴○斃○歸○來○

天姥峰 新昌壁有蝌蚪字春樵者聞簫鼓笳聲李白夢遊此白紵山因桓溫遊歌名

蝌○蚪○苔○痕○簫○笳○樵○語○曾○夢○青○蓮○誰○歌○白○紵○

石翁山 永康山有石如人旁石如婦名新婦巖蕭梁時鑿之雙鶴飛鳴化僊去

臥○花○影○記○松○年○聽○鳩○思○祝○噎○跨○鶴○想○歸○天○

陽人聚 汝州秦遷東周君處

君○變○為○人○土○變○為○瓦○龍○變○為○蛇○鹿○變○為○馬○

怡客山 辰州府峯巒奇秀晴日橫空紫翠重疊供客之賞

詩○曰○山○上○看○山○山○耐○看○客○中○留○客○客○難○留○

盤古山

會昌有獸如輪聲似鷄八足有石井五十年一湧數十丈旁銅人手掩即止

輪蹄示異○銅掌徵常○湧成地數○鑿破天荒

神農澗

溫縣神農至此以杖畫地成溪

畫荻開天○畫杖分地○耕鑿源流○穀草滋味

女媧山

竹山女媧氏煉石補處

日月當爐○煙霞煉石○粉黛山容○荒唐古跡

高陽池

襄陽漢習郁穿此依范蠡法養魚山簡每臨此醉歸常倒接羅

笑山公舊酒○徒魚還思○落帽烏尚○叫提壺

裴公湖

鞏昌唐裴守真所濬荷花數十畝桃柳夾岸堤日雲錦

柳拂線荷○翻盆波臣○開雲路龍○女學天孫

羅公山

黔陽頂池廣十里上有鶴鷗鳴即雨羅公隱此多道術祈請輒應

術○可○驅○龍○潛○還○抱○犢○更○喜○鶴○鷗○相○親○布○穀

嘉客泉

平灞衛鼓吹喧鬧則水珠大湧客至語笑左右輒應殆如酬酢

笑語酢酬○鼓吹繾綣○君子淡交○臨流不羨

郎官湖

漢陽李白餞張謂於此水白如練謂屬標名白舉觴號之有序

灑杯晉秩○濯硯開顏○列星上映○此水無慙

乞子石 南溪馬湖崖東石腹中流出小石西石腹中懷之焚人乞子於此有驗  
結胎湖馬摩頂石麟地天化育今古振繩

望夫山 當塗昔人往楚累歲不還妻登此望化石武昌山有望夫石

既悔炊爨復難舉案淚落秋霜日流香汗

道人峰 邵武盤石下用淨餅滴水餅滿則止道人龔聖乘龍伏虎即此

銘曰磨不磷守如餅持滿履盈虎伏龍乘

天童山 鄞縣晉義興卓錫於此有童子給薪水久辭曰吾太白星也言訖不見

老衲已湮童顏猶昔左之右之太白小白 附近有此二山

五公山 瑞安蕭梁時高僧誌公化公朗公唐公寶公會此

摩頂煙蘿披襟風竹旦旦斧斤五丁頭禿

九僊山 德化唐時羽帔九人入洞不知所之上有龍池獅石石井丹爐石碁布地

風吼石月印池碁還留星布丹已作霞飛

豫讓橋 趙城讓報讐處

驚者在上伏者在下智氏有臣趙氏有馬

達摩洞 少林寺中即面壁處石高三尺其像宛然

一葦渡江九年面壁既示色空亦示空色



五老堂

歸德杜衍王渙畢世長宋貫馬平俱八十餘致仕作詩社香山有九老堂

映○光○晁○宿○列○坐○廬○峯○香○山○句○就○綠○野○杯○空○

萬王城

桂東王會寓此旁有竹數竿日夕自掃地復立內多桃李或摘藏必迷歸路

芙○容○百○雉○桃○李○千○家○龍○孫○擁○篲○鰲○客○停○車○

烏君山

光澤徐仲山於此遇僊妃假烏皮為羽飛走上下

披○羽○垂○裳○山○深○日○久○巷○口○烏○衣○化○為○烏○有○

白帝山

夔州公孫述據蜀殿前井白龍出因自稱白帝以名山

井○中○龍○見○井○底○蛙○鳴○偏○隅○竊○據○拳○石○崢○嶸○

姜女池

餘姚池中草常沒僧梢芟治泉即竭禱之如故

彼○薑○桂○操○豈○草○木○腐○不○伐○斧○斤○不○老○樽○俎○

炭婦津

建昌旌陽化炭為婦散羣弟以驗心日不涅者三四人

紅○爐○點○雪○烈○火○烹○砂○月○明○林○下○猶○帶○烟○霞○

僕射陂

鄭州魏文帝以此陂賜李中因名

恩○猶○存○波○晉○秩○利○濟○固○無○窮○魚○鼈○不○勝○食○

使君灘

夔州楊亮刺益州至此舟覆懲其波瀾故名張騫奉使至此亦覆又名博望灘

楫○擊○中○流○槎○浮○天○際○覆○輒○相○尋○君○將○安○計○

鬼谷洞

在嘉州大峨山，即鬼谷子得道處也。登封有鬼谷，即儀秦受書處。

著書溪清陰符道詭載贄猶人受經即鬼

浮丘山

益陽浮丘子煉丹處。浮丘公有相鶴經。

浮生何蹤浮丘何公浮萍在水浮雲在空

大王峰

在天柱山，魏王子騫辟穀於此，置酒禱雨，僊下雨至，張湛等十二人各賦詩記。

瓊漿甘雨天柱雄風吸呼帝座詩酒僊宮

巨人山

茂州山頭有石如人，立面南，唐明皇幸蜀，以其背立，勅令鞭之。

曾犯天威不愁地踣偉哉此老崛強猶昔

邵伯湖

江都北齊建武年立塘屯，以灌民田。

濟民天忘帝力巨眼達觀亦滄海之一粒

漢僊巖

會昌石竇中有石龍數丈，古木一枝，橫壁，俗謂僊女挂降真，又傳秦王讀書處。

虎嘯雲窻龍吟雪案半壁僊凡一編秦漢

張公洞

婺源道士以繩縋井底，旁有洞，隔水有屋宇花木，一童子問渡，復歸往塞矣。

井底窺天桃花隔岸童子汲援道人留戀

路公溪

祁門溪險石蹙，摧臚碎舳，唐旻開斗門以殺其勢。

險至建牙神應鑿齒公腹如門公心似水

五婦山

梓潼秦遺蜀王五美女蜀遣五丁迎之  
大呼驚五女化為石

秦蜀好通窈窕雷電驚風月討峨眉同老

七賢鄉

獲嘉七賢飲處

帝鄉難期醉鄉可卜作聖作狂不瘦不俗

陶公山

鄞縣傳陶朱公隱此宋守胡榘建烟波  
館天鏡亭於其上

犢笛晴嵐漁歌夕照但醉鴟夷不管鷓笑

尹公潮

茗溪公有術求鄉人王氏女不得叱水  
成潮溺其居至今日暮水長號此

不撒豆兵胡與禍水貞石可沉機心難毀

義婦坂

許昇遇賊害妻呂榮貞守賊逼之不從  
遂殺是日雷電晦冥賊懼葬之

電雷交作狐兔增傷黃沙掩骨青草遺香

昇僊橋

魚鳧王張伯子乘虎僊去長卿題柱即  
此

跨虎心丹題鯨氣壯駟馬曾還雙鳧空望

康郎山

鄱陽湖上有忠臣廟明祀死事臣三十  
六人原名抗浪訛傳此

不繪凌烟徒馨抗浪怒雨驚風忠魂悲壯

雷公山

臨川南隅有井居人禱雨遇五老人云  
姓雷又云禱時霹靂出井故名

禱即應諱名不諱姓井有仁行雨亦行雲

三才藻異  
大姥山

福寧堯時一女得九轉丹法乘九色龍去卽閩西岳也

披風帶鳶待月簪荆還丹鶴使變色龍迎

小吏港

廬州漢焦仲卿妻爲姑逐母逼嫁投水死焦聞亦自縊

鴛侶難尋魚腹可葬歎息青衫追隨白浪

觀音山

鉛山宋時取鑛深入山將壓忽美婦提賣金魚坑中人出觀山傾而婦滅

以彼好色心現我慈悲力活枯魚度絕壁

文殊山

羅源狀若伏獅令林確夢電起石隙徃見有文殊像遂構寺僊章壽煉此

獅跡藏鶴影沒電光石隙墮天花飛玉液

陸子泉

斬水鳳棲山羽茶經謂天下第三泉

枕流瀑布洗耳松風千尋棲鳳一勺漸鴻

舒姑泉

石埭舒女與父採薪蓋山坐寂父至家還惟見清泉母曰女好音絃歌湧雙鯉

一泓清冽雙鯉婆娑欲調琴瑟誰執斧柯

呂公灘

歙縣水急難渡唐刺史呂季重捐金鑿石遂成安瀾

季子金揮陽侯膽攝利物斧斤濟川舟楫

丁郎山

岑溪孝子丁密故居在其下訛爲丁蘭

山猶昔名失真村樵不識字幽谷自留馨

太白湖

沔陽李白常遊此

長鯨在天。謫星在泉。誰携白墮。憑吊青蓮。

王官谷

臨晉司空圖隱此

人遊豕鹿山。挂簪纓由來高尚。泉石增榮。

統制石

興國宋統制鞏信。從天祥勤王。元追至。信坐巨石。箭被體不動。至死不僵。

一矢不折。一死不磨。一拳突兀。一統規模。

度軍泉

如臯地名。聖井。欄雖淺不竭。擊欄則溢。岳飛千軍過飲故名。

望梅則詐。拜井則危。撼山令重。度水名奇。

賈島谷

房山內有石菴。傳賈島居此。

掃石松聲染。溪雲液門外。推敲房中。儒釋。

子貢陂

王遵字子貢。為鄭令。濬陂溉田。民食其利。

履險不辭。惠民不費。下令若流。望君如歲。

伯牙臺

海鹽臺側有聞琴橋。

撮土猶存。知音難再。山水何常。人琴宛在。

甘羅城

淮安秦甘羅建。土中常得小錢。如鐘號。甘羅錢。

金湯百二。泉府十千。相君卜築。兔走狐眠。

善女峰

衡岳有一女垂髮至腰，毛長寸餘，綠色。人見問之曰：善女也。

善既積毛已盈，獨許桐花鳳。

名綠毛。

峰頭作伴行。

藐姑山

廣信藐姑修此，一石如坐，稱白石夫人。祈嗣多應。藐姑，僊人玉質如處子。

青螺處子白石夫人，不遭脂虎長鍾石麟。

百子池

漢高七夕臨池張宴，作于闐樂畢，以五色縷相羈，謂之連愛。

魚倉也。碧練牛女赤繩珠筵寂寂，蝨羽薨薨。

雙女潭

陽山有二貞女溺此，晴有雙鯉見，則雨。雨有雙鯉見，則晴。負琴生乘鯉僊去。

雨暘分兆潛見同根，不逢唾獺。

樊夫人事。

亦羨負鯤。

太史湖

汝州宋守王業濬郡之勝地。

平章花鳥撰述雲烟，不磨冰鏡長照木天。

丈夫嶂

石城二十六巖俱有泉石，致陳邦光宅。此陳之內子魏宅名夫人嶂。

陟彼崔嵬宜爾家室，雲擁芙蓉水調琴瑟。

徐公湖

金華徐公逢二人博，稱赤松安期，酌水為酒，因共醉，醒時宿莽攢身矣。

歸去爛柯醒來宿莽，今古一枰烟霞一網。

毛公洞

無為州洞中四壁刻毛詩，傳毛萇讀書處。後漢毛公母亡，隱此，即捧檄而喜者。

佔畢六時風雅四壁，負耒橫經脫穎捧檄。

集公山

建陽宋江側居此忽悟葉墮書集公山三字復墮數葉書姓氏官銜皆驗

梧井風生。薜門雲臥。一葉書空。千峰爭賀。

木客村

勾踐使工伐木獻吳久不歸作木客吟因名其地

吟日。苧蘿春。予有斧斤響。屨熄。予有家室。

銅官山

邛州產銅卽卓王孫鄧通鑄處或相鄧通當餓死漢文乃賜銅山

請志銅官。毋鍊液。毋營窟。黃頭郎。青燐客。

鐵漢樓

程鄉爲劉安世建安世投荒七年皆歷險惡東坡稱鐵漢云

處身若寄。履險如夷。磨而不磷。高而不危。

父子崖

鳳縣以大小石互相懷抱如父子之形唐僖宗幸蜀有村叟進禮問居答此

其子負襁。其君酌斗。移孝作忠。白雲回首。

公母石

寧番衛兩石相隨或分之明日復合

緣可續。情非假。豈羨比肩。乎愧此反目者。

漁父亭

武岡滄浪水傳卽屈原所問處

一幅烟波半間雲。日把釣懷湘。停盃吊屈。

僊人坡

通海每旦有白沙印巨人跡掃去明日復見

鳥飛海外。足踏沙中。得無履跡。又孕神龍。

岑公巖

萬載縣巖若華蓋泉噴如簾松篁蒼翠稱僊窟也

帶○月○絲○蘿○穿○雲○瀑○布○松○竹○主○人○蓬○壺○家○數○

康王谷

九江為天下第一木簾高三百五十丈計程一月其味不敗楚康王照匿此

廉讓君王百谷楚尚有奔虹秦已無逐鹿

子期山

浦城華子期師角里先生得隱僊靈寶之法居此

木芝可採羽翼安尋商山分派流水知音

子雲亭

犍為楊雄常遊此

載酒誰傳談玄空憶亭鎖寒烟神遊太乙

影娥池

建章宮漢武鑿每月夜宮女乘此弄影

飛無鷁黛無螺蟾光寒玉鏡蛙鼓鬧漁梭

藥婦山

平利昔有夫婦入山獵夫墮崖下婦以藥救之尋皆化石

女擅岐黃山齊秦越療得禽荒難醫石癖

公超市

張楷字公超隱太華博學造訪日眾貴戚起舍巷館過客能作五里霧名霧市

萬卷胸藏五里霧作音止賣清談不居奇貨

無鹽城

東平齊王夫人鍾離春生此

何必蛾眉猶傳雉堞雉堞千年蛾眉一曉



鳳女臺

寶雞蕭史善吹簫穆公妻以弄玉教吹作鳳鳴鳳至作臺後玉乘鳳史乘龍去

跨虎文難期引鳳難遇明月吹簫玉人何處

龍母山

寧海吳尚書屈晃生子坦偕母隱此子化為龍母亦尸解

子成龍去母化鶴飛獨留啼鳥猶喚爺歸

爺歸來鳥聲也

魯公亭

薦福寺有碑乃歐陽詢筆顏真卿建亭覆之范文正欲打千本贈士一夕雷轟

天假風雷龍騰蛇越人歎途窮亭悲筆絕

劉郎浦

石首漢昭烈娶孫夫人渡此

鼓柁歌曰逐鹿去得魚歸鵲鳴喜鴛鴦悲

鳴犢河

高唐州夫子聞殺竇鳴犢臨河而返

知津了了返轍悠悠豈無高士飲犢上流

烏瞻山

長興昔烏子瞻望此山曰可以避世養道

藤橋猿渡藥洞鳥耘瞻鳥爰止隱豹焉文

吳羗山

德清高士吳羗避王莽聘隱此

羌笛詩腸提壺酒債俯視簪纓坐觀成敗

仲宣樓

荊州五代時望沙樓也陳堯咨改此王粲依劉表登此作賦

登高賦四望通芳草關情綠浮萍著眼紅

黎女山

瓊州婺女星降此昔雷攝蛇卵生一女有蠻過海採香與野合生為黎祖

種從雷攝山借星輝委蛇支派卵翼母儀

秦人峯

麻姑山西南有秦人避難於此樵者見之面目黎黑疾走如飛

已忘年可避地樵子欲攀談麻姑思搔背

女水

臨淄牛山下世治則流亂則竭慕容超時涸彌載及宋北征則溢

此女流何關世歎漆室獨憂笑牛山同涕

君山

洞庭湖中湘君所遊狀如螺髻始皇南遊怒赭其山

彭郎朝暮湘妃盼顧祖龍震怒青螺如故

故人亭

梁柳惲詩洞庭有歸客瀟湘逢故人因於瀟合水處立亭名此

碧水關情白雲懷夢柳折詩存竹微風動

老翁泉

看州蘇洵月夜見一翁偃泉上就之則隱遂銘以亭

翁留神汲不羸其餅蘇留銘筆可揚其清

孫臏坡

和順山勢盤曲西接馬陵即臏伏兵處

一起一伏如旅如林寒烟沙際鬼谷風侵

韓信峽

江西雩都重崖夾壁每歲先寒故名寒信俗訛此

釣名易釣石難莫嗟飛鳥盡終作魯魚看

呂公泉

在河南公母患疾適早思泉夜禱龍王祠忽堂前澗井出泉如醴汲奉即愈

醴泉天賜橘井人喧神僊孝子左右逢源

焦公巖

華嶽真人焦孝龍餐白石分客味如芋菴焚坐火中大雪單衾而臥

厝火不傷撒鹽不顧煮石心潛燒芋跡露

嫦娥嶂

大庾縣峯開撒如幙

雪點梅花石支雕象月控銀鈎雲停羅幌

伶倫山

鞏昌徽州崖石如舞優狀古樂師伶倫作律

作律無人舞優有石傀儡半場古今一劇

官奴城

鄴縣光武戰敗因耕奴獲脫後賞問所欲曰願得鄧令因名一載宋武者是

百雉獲封一龍脫阨蕪萁豆羹犁鋤竹帛

主簿山

祁門昔黟縣簿巡鄉愛此幽奇遂解綬隱此不返

品題野鳥檢點山花歸雲有主得臣無家

澹臺湖

太平府

浪煖蛟翻月明壁溢澹交可親貌取則失

潛夫山

平涼漢王符隱此著潛夫論後人建亭其上曰思潛亭

山空亭寂室邇人遙潛雖伏矣亦孔之昭

子僊山 廣安州馮緄子修此忽辭父僊去以來晨白鶴飛翔為候登望果然

子能化鶴父應羨魚誰知兔脫爭似鯉趨

女郎山 溫江張魯女浣衣石上感赤光而孕生二龍女死柩忽躍此山葬焉

感孕於水藏魄於山探珠有地弄瓦無天

白公堤 虎丘下白樂天築

汪濊遺澤強健乞身堤邊踏月足下飛雲 樂天有飛雲履

蘇公堤 惠州豐湖之左蘇軾出上所賜金錢築此杭西湖名檀湖有蘇堤六橋

檀湖花柳豐堤金錢小人懷惠君子親賢

嚴公巖 平陽青華山南唐嚴永忽棄官為人傭作詔求之但得衣冠於岩壁間

田疇物色巖壑衣冠嚴陵疏附圓嶺後先 梅福隱圓嶺

萊公泉 常德甘泉寺淮南遷題之而去丁謂未幾亦過此題張栻名此

兩輔題名一泉卓錫借寇拔丁不遺餘力

司空山 攸縣左右三十六峯司空張岳隱此昔有葛蘓三仙跨紫麟入此不見

峯環六六亭儷休休紫麟隱隱白雲悠悠

將軍滌 仙遊兩石鵠立若武夫當關無鳥聲有獸跡隨時潛公遊此遇異人仙去

飛猿攘臂過鶴吞聲山容細柳仙跡班荆

石僧山

麗水上有石狀如癯僧宋劉大中召還上問石僧狀以詩對

蘿○薜○披○襟○雲○霞○往○錫○風○動○點○頭○鳥○過○施○食○

鬱姑臺

叙州府宋楊真君遇鬱姑仙於此。鳥有啼弟弟姑姑者。

人○去○鳥○呼○弟○弟○姑○姑○山○高○木○長○鬱○鬱○蒼○蒼○

御史灘

嵩縣每僚佐有入臺即水中灘出并見雙鴻鴻至牛僧孺果驗

埋輪有主勅水

鴻鴻名勅水郎

作朋地靈烏府人傑牛僧

藥王山

奉新上有二虎迹即文簫彩鸞寄食鄒舉處

鸞○翔○虎○嘯○水○秀○山○明○雲○深○採○藥○王○不○留○行○

藥名

韓僊掌

永寧有東萊韓中口者服蒼朮黃精輕健望見洞紫雲中有九仙跨鳳昇天

紫○雲○翔○黃○精○植○何○人○跨○鳳○來○抵○掌○談○服○食○

尼姑口

東安淘河至尼姑口屈曲百三十里天險設焉昔講水戰之具於此

戰○自○人○謀○險○由○天○植○彼○岸○優○婆○長○流○功○德○

佛子灘

沙縣中流巨石如蟾每見二豎鬪輒溺舟有異人繪佛像於石怪遂絕

繪○有○影○鬪○無○蟾○魚○遊○水○上○水○棹○入○天○中○天○

佛名

僊童山

永寧白霜村有石洞外密內廠有石牀一童晨樵夕入後民入避難樵不復見

棲○月○易○避○人○難○執○柯○霜○帶○白○拂○袖○雪○成○丹○

丹有絳雪

丈人峯

秦岳頂西南特立如蒼顏丈人

凌○空○貌○古○獨○立○懷○開○問○誰○坦○腹○與○爾○介○眉

少女峯

浦江傳黃帝少女修真處五峯插天上有異草名僊華

一○女○棲○真○五○老○跌○結○霞○綴○丹○砂○花○飛○絳○雪

夢兒亭

武林山謝靈運父不宜子於杜明甫舍寄養是夕夢有賢人至曉乃靈運也

芙○容○出○水○螺○羸○藏○身○六○朝○春○草○一○枕○空○亭

招屈亭

常德每歲端午郡人競渡亭下浮角黍招之

生○甘○石○抱○死○復○舟○招○非○馨○黍○稷○爲○挽○離○騷

關索嶺

雲南普安州勢極高周百餘里上有關索祠傳壽亭少子從征通道祀之

俎○豆○帥○草○木○兵○英○魂○壯○危○石○遺○恨○鎖○陰○平

浩然亭

承天府白雲樓側王維過郢畫孟浩然像於刺史廳後因名亭皮日休作記

名○挂○青○雲○調○高○白○雪○如○影○泡○存○如○椽○筆○絕

孝婦河

齊婦顏文姜事姑孝遠取水寒暑不易泉生室內

汲○瓶○湧○室○操○井○格○蒼○安○得○娶○婦○必○齊○之○姜

妬婦津

臨濟劉伯玉妻段氏性妬沉水爲神美人渡津皆壞衣粧不則波發

鷓○羹○難○除○鯨○波○猶○弄○河○東○獅○來○順○風○相○送

阿育王山

鄆縣阿育王寺掘得舍利塔高尺許鬼工所成如來八萬四千塔之一也

語○松○日○月○莫○能○稽○焉○語○塔○宇○宙○莫○能○破○焉

有宋時放光松

石夫人山

太平昔人漁海不返其妻攜七子登高望之化石下七石人其子也

望○洋○不○返○化○石○安○歸○母○也○聖○善○子○亦○瞻○依

天子望山

南召光武失路羣鴉導之而出因登山以望南陽

豹○隱○羊○腸○龍○盤○鳥○道○紫○氣○觀○瞻○紅○塵○舞○蹈

司馬悔橋

新昌唐司馬子微隱天台被徵至此而悔

猿○鶴○誚○松○檜○哦○勉○辭○青○嶂○去○其○奈○白○雲○何

樊重石室

唐縣重母畏雷築石室避之

孝○可○格○蒼○雷○豈○畏○石○但○慰○親○心○敢○辭○力○竭

陶皮僊室

泰和陶皮二僊隱此遊者若茹葷則虎豹隨至

入○界○琉○璃○當○關○虎○豹○日○月○一○壺○烟○霞○二○妙

孫楚酒樓

江寧李白常觴月於此孫楚才藻卓越與王濟語漱石枕流者

換○裘○麴○部○邀○笛○花○村○月○浮○大○白○草○咽○王○孫

右軍墨池

撫州府學內池中忽時水黑謂之墨龍見則應試者入彀必多屢驗

競○龍○無○端○起○鳳○攸○賴○豈○昔○籠○鵝○反○今○居○蔡

羅漢影石

萍鄉白鷺坑宋時石忽裂分為兩各有羅漢影一向屹立一墜田間

幻泡影裂雲根濯筋已無迹面壁欲留痕

尸昆有濯筋水

金剛髻山

惠來尖峯秀拔漁舟歸海上視此為準

摩法王頂招漁父艤作東土筏勝南指車

玉女洗頭盆

明星玉女居華山服玉漿飛昇祠前石曰名此水碧常存

明星燦燦碧水悠悠蛾眉月照蟬鬢雲留

玉女擣帛石

嵩山上瑩徹光潔立秋前一日中夜聞砧聲

研石驚桐砧聲泣柳孰意僊姬亦鄰征婦

榮隱山

榮縣古榮隱先生修道於此一名石筠有無名氏石刻

有石有竹此山不俗知止知足先生不辱

李賓山

孟縣李賓長者日啖十棗一栢葉餅遇虎令擇棲止釋華嚴經至此化身

棗栢饗殮風月主賓闡揚梵帝來往山君

八公山

壽州淮南王與八公煉此即草木皆兵處旁紫金山有車馬迹淮南宴客處也

榆散青蚨砂鎔秋石草木風聲輪蹄蹤跡

七女池

昔人無子生七女父亡女負土各為一塚羅列如七星取土處成池

一泓冽七壘存天長悲風木地久薦蘋蘩



麻姑山 宣城麻姑修道於此颺舉丹竈存焉山有神功泉可釀名麻姑酒

胡麻雪飯丹竈雲房柳裙樂土蓬壺醉鄉

桐君山 桐廬桐君黃帝時人有藥錄失傳宋許由儀訪至有雙桐在祠之

玉杵歸天金井飄地俎豆空山刀圭塵世

衍僊山 延平產橋攜卽迷道晉衍客煉此昇舉一岩石如佛拱

詩曰烟客不愁丹化兔木奴猶想弈藏龍 僊名烟客

秦王澗 聞喜美陽川秦王三跳處

一鞭逢三躍遁報德報怨其間不能以寸

謝公墩 江寧朝天宮後以謝太傅名嗣荆公居此有不應墩姓尙隨公之句

折屐往矣撮土猶存風流太傅芳草王孫

梁父山 泰安州南百里秦始皇後七十二君封禪於此

祖龍發跡羣龍繞蹕何似卧龍長吟抱膝 孔明作梁父吟

杜康泉 歷城舜祠下康汲此釀酒或以中冷水及惠水稱之一升較輕一銖

借孝子漿入中聖伍闢無稅鄉作忘憂祖

田橫山 登州韓信破齊橫同五百人居此後橫自刎二客持首獻殉葬五百人俱赴海

骯髒千年縱橫五百狐泣一丘烏號二客

螺女江閩謝端得大螺每歸具飲食伺之麗姝也曰我天漢素女遣為具食爾殼而去羅袂無聲釜甑無塵懷茲幻殼問諸水濱

魚君陂任丘唐令魚思賢鑿

利周菱芡施及莒邾邾比無忘令德竭澤而漁

謙師巖龍溪僧從謙遊此見二士弈就之化鶴去餘一碁子取咽之因辟穀

遊龍長在化鶴無痕只爭一著不染六根

毛女峯秦始皇宮人玉姜負琴入華山服松栢生毛獵師常見今洞中有琴聲

餘糧栢子作伴桐君薜裳繡鳥螺髻堆雲

謝客巖温州謝靈運書白雲曲春草吟於崖上今蕪沒惟謝客岩三字存

曲過行雲吟殘春草姓氏不磨烟霞同老

程侯山忻州俗傳程嬰藏孤處

嬰既分圭趙始完璧杵臼傳聲斧斤畱跡

范公泉仲淹知青州有惠政溪湧醴泉今汲此丸藥名青州白丸

飲醴神怡酌貪心易不替痼瘵長流清白

任公巖福建昔任公棲此手書卧石二字沉淵常驅二龍行雨

行雨驅龍枕流棲鳳蝴蝶返魂蚪蚪入夢

石母山

蒙化產石黃雌黃斑竹箭竹旱不必禱土人劇山即雨

石產雌雄竹胎文武巫女往來商羊鼓舞

羅刹洲

東流縣大江中有石嶄岩森白風帆艱險即明黃待中觀殉國處也

怪石鳩盤忠魂魚腹風送片帆猿啼鬼哭

陳平山

惠安唐有陳平精地理乘牛過此瞑目而化土自湧埋向魁石榔三年不成

人精龍脉天假牛眠三年石榔一笑荒烟

莫愁湖

江寧三山門外石頭城西中植芰荷莫愁妓名實楚產也

湖光悅目荷香解頤人沉鶴澤楚地名泛燕磯

秀才堤

南安黃擘有才名郡守烏仲儒以女妻之為築沙堤十里直抵其廬

十里沙堤百年粉黛縱快龍乘亦推烏愛

司戶潭

京山深不可測有曹司戶禱雨不應因委身潭下即流

寧捐七尺為霖一方風開魚鑰月弔鳧牀

聖姑石

會昌瀕江如人形篙師過必擲石以下吉凶

磊磊修容招招握粟神女粧臺篙師鬼谷

戚姑山

臨川長安戚夫人煉此年十八乘雲去山有七井旱禱即雨山下有洗目池

丹竈隨雲去香車帶雨來心不戚日生輝

坑儒谷 臨潼秦改隸篆恐不從密令冬月種瓜  
七百埋驪 驪山下詔諸生說各異陷七百人  
一朝失鹿斯昭之多何報之速

館娃宮 平江靈岩山上以西施名

貯彼阿儂願言借老阿儂未老吳宮烟草

吳猛泉 建昌猛遊息此泉甘洗瘡即愈上巳人就祈福許遜斬蛟時磨劍於此

瘡痍未起禱祀而求琢磨砥礪師弟源流

羅秀山 南寧羅秀修昇處陶弼詩花露生餅水松風落架書聞猿得句後見月出行初

畱丹曰挂碧衣雲容添秀色鳥語述陶詩

揭帝塘 桂林非澤國惟此與西湖可泛獨秀峯仗波岩對峙

翩躚水帶突兀山岑將軍攬轡帝子橫琴

聖公泉 合水縣治能愈百病上有亭武定州定光佛過偶渴卓錫泉逆亦名此

僧卓錫聖畱亭堪消二豎崇請借一瓢春

孔姥墩 湖州孔氏寡子八人自訓夜讀書耕漢哀時俱為郡守嚴延年母號萬石姬

出負未入橫經母已勝萬石子應儷八荀

石婦山 安慶嶺有石高二丈如婦人藤蘿為衣而不蒙面傳謝氏守節登山化此

蘿薜垂裳雲霞拂面栢誓猶存藁砧難見

三才藻異  
三才藻異

范蠡湖 嘉興城南外有鴛鴦湖中有西施粧臺址產螺陰雨舒五采即蠡寓此

烟○雨○半○空○鴛○鴦○一○網○螺○黛○猶○存○鴟○皮○安○往○

諸葛泉

鶴慶府武侯駐師處泉原二流昔人欲兼利引而為一至鷄鳴復分

人○力○合○流○天○工○分○派○中○有○臥○龍○挹○注○不○懈○

夫人城

晉朱序鎮襄陽符堅攻城北先壞序母領婢女築二十餘丈守之

一○軍○皆○驚○百○雉○無○恙○羅○雀○可○師○堆○鴉○不○讓○

君子津

洛陽賈齋金隨駕西行迷路投田子封家卒後尋至與金不受帝聞曰君子也

行○矢○冥○冥○潔○媿○洋○洋○人○欽○金○錫○帝○頌○珪○璋○

辛女巖

廬溪有石屹立如人傳高辛氏女所化隔江岩上有一機一船其遺跡也

舟○橫○野○渡○梭○織○寒○烟○櫛○風○沐○雨○辛○苦○忘○年○

湛公橋

彭伉與湛賁聯襟伉貴妻族賀獨飯賁於後園後賁擢第伉聞墜驢

魚○龍○時○變○貴○賤○交○殊○不○題○司○馬○亦○笑○黔○驢○

葛鏡橋

平越東岸高澗深通麻哈江鏡兩建橋復傾乃齋戒告神三十年傾產而成

銘○曰○其○志○銳○其○橐○捐○水○懸○一○鏡○葛○戴○二○天○

尉陀樓

舊名越王臺在廣省城內山上高五層制甚雄暢

詩○曰○草○木○盛○衰○關○氣○運○霸○王○成○敗○在○樓○臺○

童子河

壽陽李通元長者過此羣兒迎於水湄

蒲輪秩竹馬迎千年思君實一派任天真

老人村

蜀青城老人村溪多枸杞飲其水故壽杞名王母杖朱孺子服根成仙

孺子歌曰飲碧髓臥青城扶王母勸長庚

鹿女臺

秦州城王仙翁見鹿產女挈養於庵鹿來乳之十六載翁築臺居之鹿無魂

鹿娘

女冠鹿生

出世鹿女登臺魄歸何處魂自何來

龍女井

餘干蔡氏女不肯嫁強之投此井無迹但見雙履浮水時為龍女也

樓中鳳杏井底鳧遺甌猶未破餅復何羸

柳毅井

君山毅為龍女傳書處太湖有柳毅泉不盈不涸

授書竿女快婿龍賓入湖扣櫓從井救人

韓公井

襄州有昭王井服者死韓朝宋移書謝神後飲無恙更名此

鹿盧轉移魚書酬酢力可勅龍功同祭鱈

崔婆井

常德張虛白常飲崔婆酒不厭問所欲日苦遠汲遂指地掘井得泉

飲椒腸報李意人已識婆心水還帶酒氣

阿對井

閩鄉楊震僕阿對常引泉灌蔬因名

四知遺澤三徑流芳主人清白童僕偕臧

文君井

邛州文君閨中一井手汲則甘香沐浴鮮澤他汲則常

犢鼻心甘。蛾眉手汲。近水無聲。遠山有色。

文君有遠山眉

彭祖井

徐州彭祖舊宅宋陳靖常作彭祖觀井圖并序

邑無改井。世有滄桑。靜觀自得。壽考不忘。

薛濤井

成都錦江南岸十色箋造此

一井胭脂。千軍筆墨。舞榭文瀾。錦江春色。

綠珠井

博白傳飲此誕女多美麗里人以色為累投以巨石後產女多眇一目

三斛珠泉。一擲金谷。惟爾多情。令人掩目。

石婆山

西河縣傳此山無水有老嫗遠汲濟人後置祠祀之丹徒有鹿跑泉

嫗已杳。汲已休。何如跑鹿湧。方免司馬憂。

病渴

劉阮洞

名桃源漢永平中劉阮採藥食桃實身輕二女迎歸半載至家已七世矣

二女歸。七世回。胡麻原是藥。桃葉豈非媒。

董仲石

安陸多蛇虺漢董永子仲過此書二符石上害止

白帝無餘孽。一符收僊姝。有遺種。一石畱。

賭婦石

博羅媪借女薪見水洶曰有涉此妻以女一生躍出翁悔令剖竹投水合遂婚

柯作伐。竹為媒。水能調琴瑟。石應夢熊羆。

三姑石

武夷山秦時三女遊此化為石相聯望有姝麗之態江郎山兄弟化三片石

荆簪列羅袂揚武夷如作伐正合配江郎

小兒坡

在午橋莊茂草公每使羣羊散其上

盼鶴髮點羊額牧童閒鬪草麥笛幾聲添

啓母石

嵩山啓生而母化一云禹化黃熊塗山氏見而醜之化為石

石胎雲護蘿帶風吹熊還入夢狐不牽衣

塗山氏乃狐化

神女石

嶺南碧雲峯南肖人作望遠狀常見緋衣女徘徊石下正德中雷焚其髮跡滅

懷甄情冷望夫心灰非關行雨何事轟雷

佛座石

錢鏐幼聚戲於樹陰石曰我富貴爵而覆之後建功臣精舍名此

戲時言貴後石雲影護袈裟風聲榮竹帛

婦負石

大理漢兵入大士化婦以草縻石負行將日婦如此男可知遂却建寺存石

銘曰念彼觀音力願民無負德將無負慝

節度石

武昌江中有石三段名此廣百步高五六丈西陽武昌分界於此

砥柱中流建牙南朔既可揚清何難激濁

令史石

湘源有長瀨旁石或像人形或似牛羊其土人名人形者為令史

居石木遊豕鹿豈受人之牛羊而為之牧



人跡石

麻城龜峯山頂唐真應禪師立化處足跡印入苔蘚深四寸許

面壁留形立峯留跡石老苔深不愁龜坼

到公石

梁到溉齋前有奇石武帝與賭輸焉石即移置華林園

爭勝負羨玲瓏官家曾獲雉石丈亦從龍

翁仲石

魏明帝鑄銅人二一名此一名君何列司馬門

金虎

銅雀三臺之一

烟埋銅駝棘鎖吾翁若翁電光石火

越王石

福州海畔隱雲霧間郡守清廉乃見虞愿就視皎然

百粵可通一石難晤安得清風掃空雲霧

聽詩叟

馬蕩山頂石形似叟趺坐側聽鬚眉宛然

問誰撚鬚爾常傾耳鼓吹歌童鶯也推敲佛子

懸崖女

祿勸州古二女牧織山下有飛蟲朴殺之烈風吹二女懸崖化石

吹薜蘿沐風霜傷心採蜂蝶著意牧牛羊

安公山

壺關昔僧安公隱此未期而卒俄而山頂有石棺自出人收葬之

玉棺天降石棺山陳死灰脫跡槁木留形

貢士莊

宋郡守薛直夫捐資建買田百餘畝凡遇會試盡取積以資行

一莊不荒一路不哭為賢士謀造王家福

公主山

繁時拓拔氏女遁修行隱於山峽焚之大雨後遇早焚峽輒雨石邊手足宛存

身既化跡何從民休愁地赤女恐泣天紅

童子谷

交城北齊時有數童牧谷見巨石如人因作佛像高一丈

谷有遐心石畱廣額佛歎息夢魚皈依香象

霍童山

寧德有甘露池飲可延年石橋跨半空僊霍童居此

問松知採藥吸露勝開尊不羨嫖姚之門

石公山

蘓州山根有石如翁立水中澗不露潦不沒陸龜蒙有詩

忘盈涸老霜風經年伴鷺宿得句羨龜蒙

義夫問

董龍貧祀社衆買牲龍撰文分胙逐之龍泣將焚文鼠銜入穴掘得斗金首官

社重文人爭胙鼠助金龍輸庫清風四顧

玉女泉

新陽有溫泉遙望白氣如綺又有雙轅形傳玉女乘車投此今時見姿儀往來

望若綺跡如輪迄今翠蓋至猶有白雲迎

曾子湖

羅孟郊早孤牧牛僊示葬地善書爲學士乞養母冬思膾解衣入池取魚

格蒼若養志若僊已指牛眠母應逢鯉躍

林婆湖

林鷗開元進士捐已田開濱間湖以溉民其妻趙氏亦捐奩田助之

資灌溉助閨粧湖開新面目雲想舊衣裳

墜僊館 嵩山人墜穴見二弈飲玉漿留之不願日投井餐石髓半年出蜀問張華名此

越王臺 興化山巔築臺千餘層南有鐘湖每風雨隱隱聞鐘聲傳越王鐘飛墜此

石負梯天志鐘留樂水心培烏喙鬪龍吟

吳起城 在胙城相傳起居處今皆沙地常忽現城郭人民人皆見之青陵臺在接壤

勲安在城已非青陵連理鳥不借半枝棲 為殺妻求將也

雪竇山 奉化有藤龕石竇錦鏡珠林瀑布隱潭諸勝唐雪竇師居之

石疑鬼鑿瀑應松呼僧開塵鏡人探衣珠

花首臺 羅浮朱明洞無底日月星辰俱備常有五百花首真人遊會開元時勅建此臺

藏日月鎖烟霞歸來樵牧子猶插滿頭花

棲真峯 衡陽一老毫長寸餘曰吾地僊也服蒼耳今二百餘歲矣換骨岩有黃心樹

修眉古抱朴真輕身有蒼耳脫骨乏黃心

曹娥江 在上虞父溺水娥遶江哭七日入水負父屍出立廟祀之

七日泣雙屍揭幽恨飲無窮孝思流不竭

木令嶺 縉雲一名馮公嶺懸崖絕壁又名桃花溢宋楊憶比蜀之劍閣

冷面水笑面花猿還愁絕壁蜂每出排衙

朗公谷 竺僧朗與隱士張忠處太山金輿谷中舊多虎災居之虎歸伏民德呼此

僧能降虎士亦潛龍天門朗月谷口清風

祝融峯 衡山祝融君遊所李泌隱此有鐵脚道人登峯觀日出日雲海蕩吾心胸

配火德位離宮竹松高士目雲海道入胸

聖人崖 蜀烏撒有嶺壁立萬仞泉窪其上行者呼婆婆泉行人渴泉即飛下飲足即止

呼即應澤惟均往來留聖跡飢渴見婆心

老僧河 隆平一僧尋水至此杖卓地泉湧成溪

開醍醐沼作歡喜林灌心惠水洗耳清音

白起臺 高平秦坑趙卒收頭顱築臺於壘中因山為臺崔嵬傑起號此流出水名丹水

慘哉臺乎起白骨而問之流丹水其何辜

狄青湖 舞陽北周十里傳狄青飲馬於此

呼殘荻飲奔虹 馬也 白雲湖上望未敢附梁公

靈僊山 蔚州南二十五里山上有三奇石夕陽照映宛若三僊因此名縣

看奇石堪移居竹露添丹竈松風掀素書

盧師谷 景州元安陵道士持谷蛇名小青至謂禱即雨呂思誠以惑眾殺蛇逐道隨雨

虎可伏蛇自神獨嫌假道術借此惑人心

和尙原

寶鷄吳玠敗於富平收散卒保此列柵為死守計

勢已聚心可感豈因獅象皈復壯貌貅膽

白佛崖

臨縣城外十里高百尺餘上有佛字如楷書石愈崩字愈顯

天垂象地傳燈西來無一字東土有三乘

樵貴谷

縣昔樵者至一穴豁然清曠中有千餘家云是秦人避地於此稱小桃源

避世地故家遺花飛堪作曆柯爛欲談棋

吏隱山

縉雲令李陽冰隱此有臺日忘歸多題咏篆刻

花明綰綬蜂午排衙選峯折屐刻竹忘家

獨婦山

會稽云山自蜀飛來帶兒婦二十餘人善織錦

飛玉壘入雷門雖粉脂蹊徑實錦繡乾坤

王郎城

在邯鄲西三里光武時詐稱成帝子卜者王郎所築

德未沒志亦可成城數已定假安能亂真

彬侯巖

興寧漢昭封楚王孫暢為彬侯上有曹天師岩內有羣燕集禱雨燕出即應

晉一秩禱一犁天女乘雲出王孫帶月歸

鄒公洞

新奉文簫彩鸞降鄒舉家鄒負租彩鸞夜織帛百餘代輸雷丹舉服長生隱此

織代輸丹雷跡何日結僊緣千年成隱宅

新婦岩 奉化縣北十里，有危石如人，其石五色，望之如女裝花，鈿然，有石夫人廟。

花為鈿霞作裳，經年含媚，態何日改，新裝。

貧女臺

即墨王氏女，從夫築城，裹糧以隨，夫亡不能葬，乞棺殮，畢剖心以殉，哀之立臺。

不負骨何剖心，終為貧所使，甘與鬼為鄰。

弟兄山

海城縣南五十里。

雲○怡○怡○石○磷○磷○花○已○開○棠○棣○鳥○應○度○鶴○鴿○

姑嫂石

在海城縣，傳有二女登石仙去。高郵有姑嫂逃難，姑守節，蚊嚙死，筋露，祠之。

骨已脫魂可招，如聞露筋女含淚，滴松稍。

五女墳

在蘓可盤灣，晉王氏五女賢孝，未嫁父卒，各以衣負土成塚，且夕悲號死之。

一○杯○乾○五○釵○沒○楓○影○欲○消○魂○鵲○啼○還○帶○血○

阿姥墩

臨安有裴姥，初居此墩，採衆花釀酒施貧士。

花○前○竹○葉○飯○後○鐘○聲○媪○能○好○士○俗○少○憐○貧○

羞婦亭

買臣拜會稽，守歸前妻從夫治道，載之後車，愧死，亭在王江涇堤上。

沙○埋○易○轍○水○洗○殘○粧○數○椽○道○左○欲○蓋○彌○彰○

畱人洞

滇俗好養女，長則歸客，密投藥能變容，耳目視醜皆美，不去，蕭歪嘴能治之。

畱○眼○不○畱○錢○畱○心○不○畱○命○洞○中○之○趣○已○竟○

三才藻異

古董屠粹忠芝巖著  
邗江戴夢麟占弼校

形勝而器物名者

琉璃河

良鄉卽古聖水

玻璃聖水。瑋瑁神梁。霜蹄霧轂。玉帶金鄉。

珊瑚洲

新安渡杯山南廿里常有漁者下網得珊瑚樹。葛洪有珊瑚井煉丹神獻。

海俞藏漁網。利好渡金叵羅。杯不碎鐵如意。有杯渡僧

彈琴峽

居庸關水流石罅聲若調琴。琴曲有平沙落鴈。

音調太古

琴名知問何人遊魚傾耳落鴈驚心

挂劍臺

張秋徐君墓旁產挂劍草。

三尺不朽一抔未乾信誓旦旦芳草年年

黃金臺

燕昭築於易水延天下士而樂毅至。

買骨得駿築臺得虬鑠金衆口起炬千牛

錦帆涇

蘇州城濠。

浪靜風還愁蠡測帆空月尚吊鴟皮噫嘻

寶帶橋

跨澹臺湖長三十餘丈唐王仲舒捐帶築此。

長虹拖綬片玉留環功同寶筏鎮勝金山

玉鞭池

通江壁山上昔人拾玉鞭於此。

玉女朝天投鞭勅鬼豈許驅山不容斷水

巢湖

合肥巨魚死群食之一姥不食遇叟曰此吾子報汝不食東門石龜目赤城陷避之。

食魚破巢卜龜脫屣人有活心天無死水

筆倉

在會稽五雲山顯聖寺後王獻之筆倉今一智井耳。

烟雲已空龍蛇不起猶復往來鼠鬚狼尾

皆筆名。



銅鞮坊

襄陽楚人好唱白銅鞮因名詞乃梁武作沈約和

山傳白紵

也曲街著銅鞮春風羌笛也鶯夜月烏啼

銀甕山

左州山頂有洞古僊埋數十銀甕於此

白墮

酒也乎朱提也銀乎人將思飽橐我欲喚提壺

剪刀池

岳州池中有鼎耳高數尺可容人往來

鼎未沒剪猶新裁盡鴛鴦錦調殘婢妾

名魚羹

熨斗坡

解州魏正始中穿以繫舟

天回斗柄地展湘裙凌波僊子乞火漁人

絳帳臺

馬融授經處前列生徒後列女樂

臙脂時雨羅綺春風好德如色吾道焉窮

青衣洞

錢塘昔人至洞口遇青衣童子問之不應逐之不見洞口有青衣泉清鑿毫髮

洞招猿鶴泉鑿鬚眉青衣出沒白雲往回

凝碧池

唐禁苑中祿山大宴池上王維賦詩悲感

太液腥流太常血瀝舞馬銜羞枯魚過泣

濯錦橋

建陽產美錦宋建屋七十三間覆之橫跨雙溪唐介彈彥博獻張妃燈籠錦

誰獻燈籠萋菲難審我願清流長洗貝錦

紅鹽池

山丹衛產鹽赤色

君○曰○阜○財○赤○龍○輸○汗○相○曰○和○羹○白○虎○革○面○

有虎形鹽

碧簪山

延安府北形如之

整○雲○鬢○插○花○鈿○投○簪○可○避○地○脫○簪○可○朝○天○

石白島

膠州宋南渡李寶督舟禦金禱島神有風來柁樓如撞鐘聲大擊捷之

縱○火○揚○帆○聲○金○振○旅○宋○已○沉○舟○島○還○相○杵○

銅梁山

合州石梁色如銅崖鑄此三字有二石牀唐閻丘道人居五十餘年僊去

點○金○有○術○度○筏○無○方○僊○風○倚○閭○孀○月○窺○牀○

釣臺

富春山嚴子陵釣此

虹○霓○一○絲○日○月○一○餌○今○古○一○裘○乾○坤○一○屣○

劔閣

劔州兩崖峻絕鑿石架木為棧道司馬錯由此伐蜀張載有劔閣銘

險○列○芙○容○高○衝○太○乙○文○藉○銘○傳○武○防○氈○襲○

鼎湖

玉山黃帝採首山銅鑄鼎成龍迎僊去小臣扳顛去者七十人帝墮弓於此

龍○可○攀○鶴○難○控○但○得○辨○源○流○何○須○問○輕○重○

冠山

萊蕪縣漢時大石自立高丈五四十八圍三石為足其形如冠

悠○悠○大○地○何○突○而○弁○公○黃○定○鼎○山○嶽○彈○冠○

鑑湖紹興賜賀知章。賀以珠與賣藥翁翁即易餅賀惜之日慳吝未除焉能入道  
 可○惜○解○龜○不○知○換○餅○一○鑑○虛○舟○千○秋○泡○影○

囊山莆田形如懸囊禪宗黃妙應道場也

五○丁○鑿○竅○四○大○空○囊○應○知○脫○穎○不○若○含○章○

珠巖山象山海中望之常有寶氣

非○蚌○含○胎○非○蜃○吐○氣○波○久○不○揚○珠○還○合○未○

鐵障山福寧州山色如鐵馬僊姬煉丹於此高聳臨空望如半月

谷○籠○烟○崖○挂○月○僊○女○入○烹○砂○山○靈○借○點○鐵○

香爐峯廬山瀑布惟開元寺最勝自山頂入康王谷東出爐峯則真也

玉○鉉○噴○雲○珠○簾○捲○雪○花○笑○焚○香○竹○低○拜○月○

彈子池新野傳光武彈蛙於此池至今不鳴

帝○曰○咨○爾○蛙○無○譁○靜○聽○命○彈○何○為○惡○夫○佞○

擲筆峯絳州慧遠造涅盤經成擲筆日若疏義契理筆當駐空果然

浣○有○泉○瘞○有○冢○擲○筆○示○空○空○掃○開○諸○種○種○

磨針澗太和真武遇老嫗處彭山有磨針谿乃李白讀書處遇嫗事相同

以○針○悟○真○真○故○不○訛○以○磨○敵○魔○魔○如○之○何○

種玉田

玉田縣雍伯作義漿三年有人遺石子云種此生善玉後聘徐女得白璧一雙

此日輸漿他年合璧欲種藍田先耕絳宅

投金瀨

溧陽卽漂母飯子胥處欲報不知其家乃投金於水而去

飯難酬金何及溧陽得其名淮陰得其實

玉履石

宜章縣東四十里傳越王渡水遺玉履於岸劉綱昇天墮履化虎

贈詞虎到不思渡水去鳧來應想帶瓊還

王喬履化鳧

金箭灘

彬州兜率巖下傳巖上有李廣所射之箭遇風雨晦明舟行見之射中狸首

豈疑石作虎復誤壁穿狸白鷗

名弓避青雀也舫飛

文選樓

襄陽昭明建劉孝感感庾肩吾徐防江伯操孔敬通惠悅徐陵王固鮑至著文選

著作盛氣運關樓還誇學海人豈效香山

九老也

麾扇渡

應天今名瓦屑壩晉陳敏據建業軍臨大航顧榮以白羽扇揮之遂潰

白羽交馳揮戈渙汗古渡一航秋風兩岸

石鐘山

湖口下臨深潭微風鼓浪水石相應響若洪鐘東坡記辨之

天鳴河鼓地震山鐘水吞石蠹筆鬪人龍

金錢井

蓬州資聖院每月明輒有金錢浮水面

水自錢生錢隨月長聖世泉刀不窮井養

膳脂湖

陳友諒侍姬脂粉皆此湖漁利供之

貫魚以宮人寵得矣治國若烹小鮮果爾

珍珠泉

溧水泉湧成串如珠

非鮫淚非蚌遺陽侯開講席魚鼈吐珠璣

玉磬山

安吉昔高僧掘地得玉磬

寶豈山靈音胡土振僧不知空寺反懸磬

石鼓湖

仁和桐扣山下晉出石鼓人問張華曰取蜀中桐木扣之則鳴

遠可格蜀桐鳴吳石近可識漁樵應犢笛

谷簾泉

南康瀑廣如簾布巖而下三十餘派陸鴻漸品為第一

暮捲雨音出谷漱玉有冥鴻窺簾無渴鹿

牙梳嶂

廣昌嶂有三穴大風自出當寒則暖當暑則涼

半掠遊雲輕梳落照冷暖誰知封姨得窳

金船嶺

萬安昔有名僧過見神物光怪乃掘江得金船去

沙得種金船不剝木問渡於杯尋舟於陸

玉斧泉

宜黃鄒植置墅有道人索酒假枕授以珊瑚枕擲碎濯井復完起二泡成呂字

幻成泡影擘破塵根三醉興致一枕淵源

銅鼓潭 梧州有銅鼓浮水擊之聲駭復沉景泰間復出舟人送縣譙樓今存焉  
豈類鳴鼉復思潛鶴與世浮沉喚人夢覺

金粟洞 泉州紫帽山陰唐鄭真人文叔居此有人遇羽衣寄書酬以升米歸視皆金粟

紫帽羊腸黃冠魚腹誰識點金卽藏脫粟

菴畫溪 宜興戶藏烟浦家具畫船長興亦有此十里古木夾崖

羅木石灑雲烟舟行海上市人坐鏡中天

投書渚 南昌殷洪喬投書處兩岸有盤石名石頭城

隴頭梅寄石頭書沉可憑魚腹難信人心

名群玉笥山 峽江漢武受上清籙於此玉箱忽失因名道書十七洞天梅福郭桂倫棲真處

受丹書留瓊笈洞天十七梅影清桂香襲

石經洞 房山隋靜琬師鑿石為板鐫經一藏貯此累代有碑碣

鐫石藏經誦經獨處坐卧蒲團有無花雨

仰竈山 興寧山有石如竈四面壁立下有深潭其氣騰上如炊

雲霞搏飯日月傳薪熬乾雨露煮老乾坤

覆釜山 永嘉宋林靈素葬此所賜七寶數珠同瘞後欽宗取之珠已在樹矣

幸釜未沉還珠出谷以寶殉身必覆公餗

嬰浮渡郟陽韓信設疑兵誑魏王豹以木嬰渡此

渡可浮杯。嬰堪代筏。若使豹窺。終成兔脫。

簫曲峯新城每有靈鳥鳴呼幽咽其音如簫

如簧之舌。嘶喚峯頭。莫因弄玉。錯認秦樓。

石筍灘上海崔坡捍海塘外到海三十里每二三丈輒石如筍立沙中潮至遂分

石挺鳳枝。潮衝犢角。千畝渭川。飽茲海若。

金花潭豐城磯頭山濱榆柳成行漁舟上下宛然圖畫宋隆祐太后以金花投此祈風

柳線雲拖。漁梭月迓。買得松風。依然無價。

石牌灘零陵城北四十里石皆片段如簾笈傳始皇造海橋有異人乘牌往助

勅鬼鞭山。喝石渡海。博浪椎飛。沙丘瓦解。

玉案山滇池佛刹最多以筇竹為勝

山有龍封。僧多鳥伍。青玉閒憑。白雲忙吐。

金環灘蒼梧唐時馴鶴能言舞獻上不語怪問之曰父母異方賜金環遣之

帝賜環灘。何有鳥尚。思故鄉人。胡不回首。

石甕磧涪州守吳光輔遊此遇姬解玉環付庸吏曰使君當歷顯任子孫復守此不見

赤子留鞭。佳人贈珮。滿甕清芬。世守勿替。

沉香浦廣州城西吳隱之罷郡見妻篋中有沉香一觔投之

宦囊如洗遠浦流芳水天一色夫婦分香

碎錦坊裴晉公午橋莊有文杏百株名此

半墻出百株栽牧童遙指處相國錦心開

鼓吹山江寧慈姥山生竹作簫有異聲常給樂府

駕鸞無文引鳳無史一部雖佳二酉更美二酉產文武竹

箏笛浦廬州城內漁人常夜聞箏笛聲傳曹操溺妓於此

鷓鴣絃聲冷銅雀沙湮莫將幽恨偷弄月明

覆盆山江右山皆螺殼積成昔婦澣衣於河忽螺精出現婦驚以盆覆之遂止

其螺山積其寃海吞婦無懸鏡徒俾戴盆

蒸餅石南豐石佛潭中歲饑則見其大如箕里人鑿天下太平四字

玉告糴石露靛笑天生蒸民亦充飢畫餅

斗斛山蒙化府以形肖也頂有石如碁枰中有黑白子牧童亂之明日如故

勿疑賭墅勿駭量沙長攜斗酒閒敲落花

方響洞嘉定州學前丁東院洞腹有水如環珮聲黃魯直作詩更名此

珠璣錯落環珮璆然小君不見老筆猶傳



窠樽

武昌散花灘上石形如窠唐令孟士源命為樽以盛酒元結有銘命曰杯樽石

循吏吸鯨才人浴兔投轄何須輿瓢如故

筑水

穀城下有孤石挺出根如竹而黃見多凶

水石有音漸離無目慎勿驚龍禍延逐鹿

浣筆泉

濟寧傳李白浣筆處後白沛築亭其上

蟲鳥常親烟雲不如悵望青蓮蒹葭白露

印文石

安化北江畔上有石天生印文八顆陰雨其文益見

化鵲地靈鈕龜天眷蝌蚪八章乾坤一券

隱劍泉

梓潼五丁開路迎秦女山摧丁與女皆斃餘劍墮路旁忽生泉每庚申劍現

牛糞金龍合津只愁呼丁癸何用守庚申

支機石

在成都卜肆即海客攜問君平者燉煌公命工鐫片為器椎琢忽若風墜乃止

槎可攜斧不勵人事貴織耕天機惡雕琢

銅鉢山

瑞金巉巖高聳雖晴明而烟霧常幕下有龍井露石如爪禱雨輒應

胡然霧興胡然雨勃是大比丘參龍於鉢

鐵笛亭

胡寅與劉兼道遊此道善笛有穿雲裂石之聲

孰穿雲誰弄月試問鶴樓梅何如牛背麥  
麥笛也

金山

楊子江心一名浮玉

玉○浮○水○面○金○鎮○江○心○帆○張○鵬○翅○鐘○鬪○龍○吟○

錫山

無錫慧山南峯也光武以後不復產錫

從○慧○根○來○不○飛○錫○去○大○冶○烹○砂○液○流○何○處○

飛來鐘

淦喻百丈峯盤踞十餘里有葛洪丹井飛來鐘石。是氏造鐘。鐘化道士。

何○年○鑄○鳧○氏○此○夕○伴○僊○翁○羽○已○化○石○留○踪○

飛來船

在衡岳順治辛卯三月十二有野狐曝船石上雷擊狐斃是夜大雨推船去

鷓○已○飛○狐○已○斃○謝○僊○擊○楫○慨○然○有○澄○清○志○

覆舟山

江寧山臨公武湖以形似也

岸○已○登○先○舟○何○覆○見○鞭○可○成○箴○刻○難○求○劍○

焚書岡

鳳陽惠子焚書於此灰化為金雨過後往往有得金者

灰○土○金○遺○豕○魚○火○墓○鳥○跡○猶○存○蟲○書○未○喪○

臙脂井

一名景陽井臺城內陳後主與張麗華孔貴人投入避隋兵後名辱井

粉○蠶○飲○恨○渴○鹿○窺○智○百○尺○借○鑑○千○古○藥○言○

百尺樓宵娘事

琵琶峽

玉山峯下女子皆善吹笛嫁時群女治具吹笛唱竹枝詞送之

梅○花○笛○落○竹○葉○歌○留○相○憐○同○調○莫○過○別○舟○

玻璃泉 肝胎第一山崖有石龍噴水注地名此  
唐明以七寶玻璃杯賜李白酒

休貪七寶賜先借一瓢嘗泉不竭酒何常

袈裟石 黎州梵音水前一二石五色相間一號  
曬經石一號此三藏遺跡

雲護水田雪消火宅布地黃金點頭頑石 袈裟名水田衣

壺山 莆田隱者遇老人邀至絕頂見宮殿曰此壺中日月也文淵命墓陶側他日為壺

帝弓 也 飲釜僊杵借漿文淵不卜還俟長房

笠澤 松江名此源接太湖  
一葉鷗浮半蓑鷺倚露白葭青鱸肥蓴美

筆架山 莆田山五峯側視之二呼雙髻正視之  
五呼五侯郡中視之三呼筆架

雙髻捧硯五侯操瓢騷人閣筆樵子解嘲

闌干山 建陽石室可容六十人巖口有木蘭飛閣棧道遠望隱有牀帳几案悉生古栢

匡牀霧隱飛閣雲翔倚闌長吊亭北沉香

錢清江 紹興守劉寵行里老以百錢贈之寵取一錢投水

囊無銅臭水有苻香往來宦艇過此思量

酒香山 君山上有美酒數斗飲即僊漢武遣樂  
巴求得方朔竊飲之帝欲殺而赦

一酌萬年天子神僊山靈有道造物無權

空舸峽

歸州東夏秋水泛必空舸乃可上杜甫有詩

慮輜重怯險危滿船明月載一路順風歸

解珮渚

襄陽晉鄭交甫遊漢皋遇二女佩兩珠解贈懷去十餘步探之亡矣回視女失

未經璧合先受珠聯相逢萍水傾蓋姻緣

石帆山

將樂石似張帆

一棹沙平片帆月上終日乘風何年破浪

寶珠溪

大足郭福捕魚見蚌如斗剖得珠徑寸獻太宗賜以積善井有碑

願效獻琛不譏剖腹積善降祥汲井介福

大山

宮亭湖

卽彭蠡湖神名青洪能人言分風南北樂巴守豫章未到而神不復聲矣

南北分帆宮亭萬舞金緘青洪魚懸明府

瓦屋山

榮經峯或問禪惠師瓦屋何蓋以木皮曰錦府豈從機上織劍門寧自匣中開

漢苑灰飛秦樓棘沒茅舍柴門視今猶昔

金谷園

石崇別業內有清涼臺卽綠珠墮樓處

清涼括日淒涼滿谷金散臺空珠沉草綠

玉壘山

灌縣修竹古木奇峯怪石爲一郡之勝

尋種璧田訪灌園叟無拜石人有泣虎婦

錦江 嘉定州自城郭環淬至此下瞰如帶

蛾眉練裙魚油錦帶芙蓉鏡中天孫雲外

墨池 無為州內米芾為守時鑿蛙聲聒人芾取瓦書捫投之不鳴

石癖揮毫田父也 籍口誰識龍蛇原本蝌蚪

爛柯山 武鄉晉王質樵遇僊弈觀局未終柯已爛矣

落子非遲腐柯非速日月兩丸古今一局

題扇橋 紹興蕺山下有賣扇姪至羲之揮去競買

風動掌中雲飛筆下何意烹鵝亦題司馬

載酒堂 儋耳蘇軾常載酒訪黎子雲守張中遂建此子雲昆弟貧而好學居多水竹

子雲亭更饒子猷竹子瞻酒曷辟子房穀

積布磯 廣濟下臨大江疊石森立形如積布

牛衣不共鶉結堪酸莫誇山積無補民寒

酒泉 酒泉城下有金泉味如酒

不願金盈斗不願郡作守願此泉遍地有

劍津 建寧邵武二水合流處雷煥渡此劍忽躍水化二龍歎曰張公謂神物終當合也

挾金流從龍越牛射慮光寒魚吞愁腸裂 腸有魚

三才藻異  
石甌山

杭州西湖上

日○來○煮○石○雨○過○抽○薪○不○愁○顧○破○何○碍○撮○塵○

石鏡山

臨安東峯圓石如鏡錢鏐幼照之冠冕如王者後木石皆覆錦衣

詩○曰○共○道○錦○衣○添○幻○影○那○知○頑○石○識○英○雄○

棄金坡

安丘一名堆金山華歆擲金於此高三十丈圍二百步

充○蚓○操○辨○龍○真○當○年○已○掃○地○此○處○尚○憐○人○

歆為龍首

散金臺

沂州即疏受散金濟鄉人處

金○有○盡○散○無○餘○欲○作○千○年○計○還○留○一○卷○書○

紅羅村

洪武誕時水上浮紅羅一段至遂裏聖體

河○洛○呈○祥○火○藻○獻○瑞○一○代○垂○裳○萬○方○衣○被○

白紵山

太平府桓溫攜妓登此奏白紵詞因名盼盼東東皆妓名

過○雲○盼○盼○奏○水○東○東○閒○花○醉○白○落○葉○題○紅○

鐵柱岡

鹽城濱海傳始皇繫馬柱也一云瀕海多蛟龍性畏鐵作此鎮之

繫○馬○於○鐵○勒○馬○於○銅○何○如○一○柱○永○鎮○蛟○宮○

旌陽有一柱宮

金線泉

齊州澄澈見底南北有金線一道微起水面以油滴如故以杖亂則隱

一○絲○不○紛○一○塵○不○著○一○滴○何○曾○一○真○不○鑿○

銅柱

分茅嶺下安南人過此每以石培遂成丘馬援誓此

圖形跡杳。曩革勲標。駝悲埋棘。馬誓分茅。

寶山

會稽宋諸陵罹元變林景熙唐珏收遺骨詐稱採藥者埋以二函日佛經上種冬青

吳山立馬。越土穿狸。萬年泣露。玉葉金枝。

冬青名萬年枝

羅裳山

泉州有異人畫馬石上天陰見馬馳驟旋復入石有六井各隔半里汲一皆動

石有馬。井無蛙。霓裳舞水。月蘿壁帶烟霞。

紅旗洞

激浦馬希範收武陵蠻至見洞中隱隱有紅旗屯此

一帆風利。滿洞雲賒。莫將赤幟。錯認桃花。

支鼎石

辰州有三峯高數十丈傳夸父追日至此煮食此其支鼎石也

大冶一鑪。須彌一粒。調鼎何人。抽薪何日。

撫琴山

真寧即唐明夢群僊處洞中風來若琴琴曲有白魚歎太古黑鵠皆琴名

山中夢破。太古音遺。白魚歎息。黑鵠皈依。

負米堆

海州門外即子路負米養親處

萬鍾何加。五斗何憾。顧此一抔。得無三歎。

卓錫泉

唐盧慧能自黃梅傳衣鉢往曹溪五百僧追奪至大庾嶺渴甚以錫卓泉湧退

千里心宗。一泓魄奪。香象失真。野狐傳鉢。

曬書臺

安陸孔子與書過楚車覆書濕曬此

轍跡猶存。書香不墜。曬腹中厨。勝石上貝。

曬經石

越雋衛唐三藏西來曬經於此

隻履去片石。歸一日秋陽。暴千年花雨。飛

說經臺

盤匡卽尹喜迎老子說經處蘇詩此臺一覽秦川小不待傳經意已空

曬固有因。說非無益。紫氣盈眸。白雲留跡。

造字臺

開封城北倉頡造字之所

餘沙草堆。易古今筆。聞蟲鳥聲。增鬼神泣。

懸匏池

汝陽李愬攻吳元濟雪夜擊鵝鴨以亂軍聲

鵝鴨揚聲。鯨鯢授頸。六出奇謀。一匏泡影。

雨鈔堂

鄞縣陳氏娶婦至孝雨鈔其家不止命婦拜禱卽止今址猶存

宜爾室格於天堂。已輝金壁。婦應舉孝廉。

玉帶河

常德朱守龔穎篆秀水斗門四字海蟬曰此武陵一條玉帶也後張頡符其言

水帶秀書帶。招海蟬先括目霧豹。欲伸腰。

石壺湖

德化張真人與魅鬪法處

湖尚溢。劔未寒。驅雷變作酒。長虹吸不乾。



銅船湖

合浦陰雨輒見銅船一牛在湖漁者不祭但得牛糞傳馬援鑄五銅船一留此

當年標柱。此日沉舟。擊槳彈鋏。馬渤牛溲。

鐵拐崖

五臺東削壁千仞中插二拐傳鐵拐僊所遺五靈脂灌其縫脂即號寒鳥矢也

僊留杖。壁凌空。攀蘿扶月上。倩鳥喚雲封。

浮楂山

廬州海上浮來梵僧過日此耆闍一峯也梁武女修此頂泉極甘歐陽修作記

亦飛靈鷲。誰結茅蝸。醉翁捉筆。帝女乘楂。

滾鐘坡

宜都金鐘寺鐘忽滾入江去今坡有跡

晨雞暮鐘。漁槳賈艫。龍鬪江空。蛩吟草冷。

穿針樓

齊武帝起層城觀七月七夕宮人乞巧

巧可乞。景難留。棘針穿舊月。花影繡空樓。

留佩亭

漳州郡判鄭渙代去父老攀留解佩別此

戀戀輿情。亭亭物表。夜月銜環。春風結草。

沉珠浦

番禺賈胡挾珠經此忽躍入江今有石如珠屹峙江心南漢創慈渡於上

豈還合浦。似躍延津。珠藏魚腹。筏渡江心。

招寶山

鎮海城外即大海山半有碁子坪求者以白飯黑豆撒之翌日可得

闢龍藏。闔鯨波。有漁思換酒。無樵說爛柯。

投醪河

紹興勾踐行師有獻壺漿跪受覆水卜流士卒乘流而飲人百其勇

投越水醪吮吳王血酬嘗膽勞成破臍烈

賣漿臺

秦強呂望未遇時賣漿於此

此日懸帘何年把釣待賈而沽壺漿迎道

耀碑潭

奉化相傳官清則潭清

輿碑莫測止水無慚分涇渭處在廉讓間

夢筆驛

浦城江淹受筆處至應天夢郭璞索還

受則鹿逃還亦蝶弄揮灑半生烟雲一夢

駕壑船

在武夷山軸轡夙具如衡岳飛來船

雙檣聲如在鷗語稠片帆飛不動雲影留

幔亭峯

大王峯北高四千餘尺四垂斗絕武夷君建幔亭宴曾孫於此

紫絲錦步雲列霞張人間支派天上瓊漿

湯團箒

廣通翠屏山武侯擒孟獲駐此軍士臘月以湯團祀竈食餘傾箒今有石類此

三軍增竈七縱傳餐兵烈於火沙亦成團

蠟燭山

在泰安玉女山北其石獨立如燭嶺南和平縣有蠟燭峯獨聳百仞更奇

高照玉女粧燒殘梁父禪淚未乾光猶豔

秘圖山

餘姚上有石匱云禹藏靈秘圖書之所

公主告錫金簡還山人間委宛天上嫵嬛

天鼓山

葉縣山上有石如鼓河鼓星搖動則石自鳴鳴則秦地殃牽牛名河鼓主兵

詩曰雞犬怕驚潛鼓鶴鸞貅偏想渡河牛

迎擔湖

江寧晉南渡衣冠席捲過江客主相迎行李塞於湖上

劍戟縱橫衣冠收拾一擔江山六朝舟楫

邀笛步

秦淮上即王徽之邀桓伊弄笛處

舟乘天際笛弄水濱曲終人去淮上峯青

浣衣里

湯陰嵇紹遇害血濺御衣左右欲浣之帝曰此嵇侍中血勿浣也因名

濺衣不滌碎衣不綴一點丹心千年碧血

磨笄山

保安州趙襄子姊為代王夫人襄滅代迎其姊日代已亡吾何歸遂磨笄自殺

節不磨心如石生不媿簪荆死無慚舟栢

蠟屐亭

武義明招山側為阮孚建

秉燭遊尋梅踏視世如脫屣視亭猶嚼蠟

濯纓亭

衢州孝弟里為趙抃建○濟南有濯纓河周廣數畝

孺子滄浪相公琴鶴若個簪纓坐此不忤

紫金山

壽州上有車馬跡謂淮南王宴客處常拾小金牌可療疾疑丹砂所化也

投轄無蹤點金不沒子母青蚨殺人無血

白玉峯

臨汝山巔有穴如盎將大風有白犬自穴出農以為候

玉人選峯利人選洞榜人占風牧人占夢

金鉢盂

在普陀鐵蓮花洋中

點金點鐵盂圓水圓白衣普化托鉢青天

玉鏡臺

三水胥江上酒家環列多當爐者

有裘可貫有美待沽斯臺之下何必老奴

點易亭

葉法善在處州明皇贈詩洞門深鎖碧雲山滴露研硃點周易封越國公

詩曰竹梢猶滴研硃露松頂長停觀變雲

卓篙泉

在鈴岡昔仰山二神自維揚附舟歸至岡卓篙於半峯維舟遂有泉湧

卓錫僧欽卓篙神炳彼岸不登同歸泡影

九鼎鐘山

姚安府九峯狀若懸鐘春花盛時多遊此

豈無雒雒亦可測蠡山鳴谷應花笑鳥啼

多寶鐘潭

京山深數十尋廣丈餘宋建炎間寺燬於盜鐘自巨焰中躍入此潭

如來灰劫無射逃生問誰得似跳出火陀

銀餅浪盞山

歸化峯巒連屬中一峯圓尖如銀餅餘三峯圓小如盞色奇秀

倒南山甕開北海尊寧教虹吸不許鯨吞

樓臺鼓角山

歸化王山數峯連屬中峯聳若樓臺餘峯似鼓角

棟雲連角風嘯疑海上蜃樓現山中鳥道

還珠橋

海鹽一名聞琴橋怕牙臺側

長鯨跨水別鶴悲風知音不再合浦難逢

留錢山

閩清流乾符間一夕雨錢滿山樹木皆折池錫家蓄一鶴盤旋山中

黃頭賜鑪黃尋雨橐

天雨錢其家

爭似買山纏腰跨鶴

紗帽石

清遠石鼓嶺後如帽左有石室右有石鼓大數丈更點分明嘉靖時雷擊不響

鼓頻催花長笑吐綬鳥名慶彈冠提壺欣落帽

草衣巖

湘潭五代周時蜀僧奉初結草為衣居此巖洞似月輪宋張天覺有詩刻石

月有窟洞如月娥漫舞霓裳僧還披草葉

題詩巖

林靈素遊鄞石柱巖見峭壁題詩擲筆有翁曰吾巖下龍當守真官筆跡

松頂落烟雲筆尖搖山海僊跡留龍宮彩

試劍石

代州八里大路旁一石中分傳楊延昭拔劍試之遂剖為兩

劍躍津石留銛曉光飛紫電夜氣肅青霜

三才藻異  
釵股泉

翼城雙泉並湧薄太后從文帝至代訪河上公兵渴后祝天插釵於地則泉湧

不美噴珠非徒留碣道德源流裙釵膏澤

巾子山

張世傑次定海元石國英令卞彪說降傑斷其舌磔於山下

壯氣乘流腥風斷舌一將衝冠千峯岸幘

標幡嶺

清遠峽南嶺上唐哥舒晃叛命將討夢神語見幡卽回賊平果見二幡於山頂

神語杳鳥弓嗟凱歌留樵牧幡影落雲霞

兜鍪嶺

徐聞嘉靖間鳳集此諸鳥逾旬去

帝德已崇文山靈應免胄鳳來儀堪再觀

抹筆扃

寧都城西文天祥過此無硯就竹葉抹筆作檄徵兵後竹葉皆有墨跡

墨還染片竹檄已炳千秋半壁去一筆留

落帽臺

荊州龍山晉孟嘉落帽處

草帶笠鳥呼杯千秋同一醉高陽倒接巵

山蔞醉高陽池

煎茶坪

寶雞西南六十里漢高出故道時駐馬煎茶於此

馬上茶軍中羨只恐一杯羹難免千古論

生米潭

南昌昔投米捕魚不覺至石門見叟曰此非汝所宜來登岸已入水三日

石叟如有舊漁郎更食新尋活計卻迷津

僊碁山

桐廬有郭翁隱此每驅虎負箬出市鬻錢周貧歸則與僊侶弈石上

棋聲驚夢鶴箬影寄飛蚨僊作伴虎為奴

聖燈龕

鎮安南雲寺側良夜輒見一燈出崖畔俄散作七八既復為一

燈傳良夜筏渡空門支流異派彼岸同根

雙髻嶺

徐聞人題常喚作了頭梳妝出嫁休筆乾取水神續為尋媒未得空立萬千秋

雲鬟整薜幅拖神既續其筆胡不執其柯

合旗山

台州僧灌頂居此海寇至僧誦經自若寇見山上旌旗隱隱遂遁有蚩尤旗

山現蚩尤寇驚風鶴口誦貝多目空金錯

貝多葉寫經

籠泉

在梁鄒城西齊孝婦誠感泉發於室以續籠覆之

悅親惟勤發源非偶不續其麻斷非孝婦

粉水

齊陵清泉土為粉則芳膏入貢陳友諒取湖漁利供脂粉

之膏之沫勝括漁父之脂而貢蛾子之綠

螺黛也

放鉢石

雲封寺六祖盧能放鉢其上

或曰放亦歸空縱然無龍豢却也有雲封

響屨廊

靈巖山上吳廊虛其下令西施步履繞之則有聲

有詩踏殘繡鳳隨波沒換得青鳧帶月歸

流杯池

彬州石潭天然曲流亭曰飛觥阮美成有詩○平定州有此金守趙閒閒修禊

永和後修禊艱亭還悲寂寂人却羨閒閒

磨鏡石

鏡湖旁黃帝鑄鏡湖邊此石常潔不生草

鏡未塵石誰掃磨盡古今人鬚眉空自老

繫舟山

忻州堯時洪水繫舟於此金元德明讀書其下改名讀書山

山上停舟舟可讀舟居無水陸無屋不俗

劒刺泉

漢將軍李廣利征大宛無水拔劒刺山飛泉湧出○薛仁貴海城有拗戟泉

刺無血泉可汲孰謂將軍鋒不及老僧錫

斗笠泉

房山上方山華嚴師開上有龍居潭逐之挾水去飛錫一擊遺水斗許成泉

龍挾泉飛泉從錫擊猶照泉中見天如笠

笠天形如

錦屏山

宜陽武后幸此賜名中一峯特出號玉柱有烟霞亭

風也藏雲也聚錦上欲添花敲詩題玉柱

皮箱崖

五臺東天生硃書十六字在崖上巖中繫皮箱一個攀莫能及

天然字硃未乾笥中疑有秘留待日休看

皮日休箴酒

漁鼓洞

靈石縣雙白里深靜村山峪傳果老漁鼓所化擊之聲似

風擊筑月當鑼年年春水鳥來唱道情歌



車箱谷

華陰縣西南二十里，深不可測，祈雨者以石投之，中有一鳥飛出，應時即雨。

石入谷鳥出翔爭如隨轍雨羣樂萬斯箱

隨車雨。陳戩有

玉漿井

藍田玉山山下石井深丈餘無水，病者禱之，懸餅井中即得水，色白味甘，飲即愈。

易曰損其疾吉羸其餅凶可用汲養不窮

錢王稱鎚石

淳安有拳石浮躍水中號此

拳石之多為王誦如有用權然後知輕重

秦王酒甕石

會稽射的山麓三石品峙名此

讓而升下而飲王曰予不敏請嘗不敢盡

覆卮山

上虞謝靈運常飲罷覆卮山上今存一石竅大旱不涸呼龍眠窟

吸已乾流尚涓莫教提鳥喚

提壺恐有醉龍眠。盧也

沈釀埭

若耶溪東鄭弘舉餞赴洛親友以錢投水依價量水飲之各醉而去

誓曰酤爾泉盡吾量他日投錢劉寵依樣

寵受一錢投水

金鎖江

福州西昔漁父垂釣得金鎖引鎖盡見金牛牛斷猶得索二尺晉康帝詔立廟

釣竿脫却利鎖未除扣角已矣洗耳何如

鐵井欄

杭州六和寺南昔有蛟龍出井損江岸錢氏鑄以鎮之刻八卦於上

潮可射龍可降何如鎖鐵鉢也勝勒銀牀

灌頂僧持鐵鉢

觀音粉

饑歲時山中有石如粉民爭取食之久則損人

偈曰人菜如石芋如誦阿彌緩須臾悲夫

僊煮石如芋

人鮓甕

名叱灘在歸州西三里舟至此多覆名此黃庭堅詩命輕人鮓甕頭船

千年骨肉債一甕利名心鑒覆轍莫輕身

玩珠亭

高郵樊良鎮宋時天長澤陂有大珠天晦多見後入甕社新開二湖維舟待現

魄入水光耀天滿舟載明月疑是覓珠還

珠有明月

打鼓嶺

安遠嶺有石鼓旁有二石人邑譙樓鼓鳴輒應後斷石人手遂止

手已斷聲不譁鳥還知待漏魚反泣鳴槓

采恩峯

寧鄉石峯森聳如屏采恩屏也在宮門外言臣將入請事於此復思也

展矣雲屏儼然帝座敢告山靈盡忠補過

携菹山

桐城東北十里山有二石狀如二人相對携菹故名携菹謂牧猪奴戲

松點籌石會意終朝戲牧猪何年褫集翠

狄梁公事

丹砂井

常德廖平以丹砂三十斛置所居井中水赤飲皆壽後徙去多天他住復壽

砂如故居莫移只此一杯水公堂可介眉

縑絲井

秦州董永寓此葬父貸萬錢鬻身遇女織縑三百匹償畢辭知織女也

一臂助一絲牽只為償身債非關了宿緣

擲杯橋

廬江曹操忌左慈設鳩飲之慈抽簪劃酒飲擲杯中如飛鳥皆仰視慈忽失

昔聞遯羊去今胡化鳥歸鶴相似鳩何為

旌陽杯化鶴同

流米洞

建文居貴陽羅永庵時洞中流米供帝及帝去不復流矣

昔何盈今何空天上賜餘糧宮中呼老佛

甕肚峯

華山靈臺觀中崛起如半甕玄宗欲于峯腹大鑿開元二年字中填白石諫止

甕中有甘露抱可樂腹中有奇文惡其鑿

轆角莊

大理蒙氏擇婿女欲任牛所之至委巷牛側角入見樵者配之見樵處皆金磚

君擇配牛執柯樵不錯女不波幸此金多

